



## **Bases dos Premios SELIC de creación literaria 2022**

### **Primeira**

Co obxecto de incrementar a presenza de Santiago de Compostela na literatura escrita en galego, o Concello de Santiago de Compostela convoca un premio e dous accésits para obras escritas en galego nos xéneros de narrativa, poesía, teatro e ensaio.

O prazo de presentación das obras abrirase ao día seguinte da publicación da convocatoria no BOP.

### **Segunda**

O premio terá unha dotación de 6.000 euros e un accésit de 1.500 euros.

Os textos deberán ser inéditos e terán a cidade de Santiago de Compostela como marco da acción ou referencia fundamental da obra. Os premios conlevan a publicación na colección SELIC que edita o Concello de Santiago, renunciando os autores/as a percibiren dereitos de autoría por esta publicación.

### **Terceira**

As obras que opten aos premios deberán ter as seguintes extensións: narrativa e ensaio un mínimo de 150.000 caracteres (incluídos espazos), poesía un mínimo de 300 versos e teatro un mínimo de 50.000 caracteres (incluídos espazos). Os premios estarán suxeitos ás retencións fiscais que correspondan.

### **Cuarta**

O xurado estará composto por cinco persoas representativas do sistema literario galego. Actuará como secretario/a, con voz e sen voto, un/ha funcionario/a do Concello de Santiago de Compostela.

### **Quinta**

O xurado poderá declarar desertos os premios e non terá en consideración aqueles orixinais que non se axusten estritamente ás presentes bases nin os que foran premiados noutros certames literarios.

### **Sexta**

O prazo de recepción de orixinais remata o 10 de setembro de 2022. Remítanse ao Teatro Principal (Rúa Nova 21, 3º. 15.705 Santiago de Compostela).



### **Sétima**

A obra orixinal achegarase en arquivo dixital con formato doc, docx ou odt. nun lápis de memoria e un exemplar en papel. Acompañarase dun sobre pechado identificado mediante lema ou pseudónimo que conterá: Título da obra, nome e apelidos do/a autor/a, domicilio, DNI, breve currículo, correo electrónico e teléfono de contacto.

### **Oitava**

O veredicto do xurado será inapelable e farase público no mes de decembro de 2022.

### **Novena**

Os orixinais serán custodiados durante un mes no Teatro Principal de Santiago para que os participantes que queiran poidan recollelos. Tamén poderán ser devoltos por mensaxería a portes debidos.

### **Décima**

A participación nos Premios SELIC de creación literaria supón a aceptación das presentes bases.

Santiago de Compostela, maio de 2022

Xosé Antonio Sánchez Bugallo.

Alcalde de Santiago de Compostela